



Samningur

háskóla-, iðnaðar- og nýsköpunarráðuneytis við Þekkingarsetur Suðurnesja

Háskóla-, iðnaðar-, og nýsköpunarráðuneyti, kt. 710122-0830, í samningi þessum nefnt ráðuneyti, og Þekkingarsetur Suðurnesja, kt. 460712-0920, gera með sér svofelldan samning um um háskólatengda þjónustu, stuðning við frumkvöðlastarf, nýsköpun og rannsóknarstarfsemi. Setrið sérhæfir sig í rannsóknum á sviði náttúrufræða og tengdra greina, sér í lagi fuglafræði, sjávarlíffræði og eiturefnavistfræði.

Markmið og framkvæmd

1.1. Meginmarkmið með samningi þessum eru að hrinda eftirfarandi sameiginlegu markmiðum í framkvæmd, sbr. 3. mgr. 13. gr. laga um opinber innkaup nr. 120/2016:

- **Markmið um nám á háskólastigi.** Með samningnum er stefnt á að hækka menntunarstig á starfssvæði Þekkingarsetura Suðurnesja með því að bæta aðgengi að háskólanámi og stuðla að fjölbreyttu námsumhverfi á háskólastigi.
- **Markmið um nýsköpun.** Með samningnum er stefnt á að efla nýsköpunar-, rannsókn- og frumkvöðlastarf á starfssvæði félagsins.
- **Markmið um rannsóknir.** Með samningnum er stefnt á að stuðla að auknum rannsóknum og styðja við rannsakendur sem starfa á svæðinu.
- Tryggja framgang stefnu sbr. fjármálaáætlun 2025-2029 á:
 - Málefнасviði 21 – Háskólastig í málaflokki 21.1 – Háskólar og rannsóknarstarfsemi.

1.2. Framkvæmd

Til að ná hverju af þremur markmiðum samningsins samkvæmt 1.1. gr. samningsins er framkvæmdinni skipt í grunn og sókn. Undir grunn falla þættir sem þurfa að vera fyrir hendi allan samningstímann. Undir sókn falla síðan þættir sem unnið er að á samningstímanum. Þekkingarsetur Suðurnesja hefur frelsi til að leggja sérstaka áherslu á einstaka þætti, svo sem rannsóknir, nýsköpun eða háskólanám, eftir þörfum og sérstöðu svæðis og staðbundnum þörfum.

Nám á háskólastigi

- **Grunnur.** Að vera tengiliður háskóla inn á starfssvæði sitt. Birta á heimasíðu sinni yfirlit fyrir nám á háskólastigi sem unnt er að taka í fjarnámi að hluta eða heild, tímanlega fyrir hverja önn. Til að ná markmiði um nám á háskólastigi skal Þekkingarsetur Suðurnesja starfrækja háskóla- og fjarnámsþjónustu fyrir nemendur á starfssvæði sínu og auka þannig tækifæri til háskólanáms. Í háskóla- og fjarnámsþjónustu felst að Þekkingarsetur Suðurnesja hafi aðstöðu fyrir 10 háskólanema.
- **Sókn.** Stuðla að góðum tengslum við háskóla landsins og hvetja íbúa til frekara háskólanáms, með netnámi/fjarnámi eða staðarnámi, með fræðslu til ungmenna, kynningum, fundum og leiðsögn við þá sem stefna í háskólanám. Setrið býður upp á aðstöðu til vettvangsnáms á háskólastigi.



Nýsköpun

- **Grunnur.** Þekkingarsetur Suðurnesja býður upp á vinnuaðstöðu fyrir frumkvöðla og er stofnaðili að Fab Lab Suðurnes.
- **Sókn.** Miðla rannsóknarverkefnum fyrir atvinnulífi á svæðinu. Hugar að nýsköpun í framtíðarstefnumörkun setursins.

• Rannsóknir

- **Grunnur.** Þekkingarsetur Suðurnesja skal veita aðstöðu fyrir 6-10 rannsakendur, háskólanema og starfsmenn rannsóknastofnana sem vinna að rannsóknum á starfssvæði setursins. Setrið skal vera miðstöð rannsókna í náttúrufræðum og tengdum greinum og býður upp á fullgilda rannsóknaraðstöðu á heimsmælikvarða.
- **Sókn.** Þekkingarsetur Suðurnesja miðlar upplýsingum um möguleg rannsóknaverkefni, hvetur til þátttöku fyrirtækja, stofnana og einstaklinga í rannsóknum og leiðbeinir um tækifæri í innlendum og erlendum samkeppnissjóðum.

2. Hlutverk Þekkingarsetur Suðurnesja

- 2.1. Hlutverk Þekkingarseturs Suðurnesja er að vinna að markmiðum, hafa til boða þá þjónustu og framkvæma þær aðgerðir sem fram koma í 1. gr. samnings þessa. Þekkingarsetur Suðurnesja skal eftir föngum taka þátt í samstarfi þekkingarsetra. Þekkingarsetur Suðurnesja skal senda ráðuneyti skýrslu um framkvæmd samningsins í nóvember ár hvert.
- 2.2. Tryggja nægjanlega fjölda starfsfólks hverju sinni til að ráða við þau verkefni sem kveðið er á um í grein 1.2.

3. Tengsl við sveitarfélög

- 3.1. Þekkingarsetur Suðurnesja skal starfa í góðri samvinnu við sveitarfélög í sínu nærumhverfi að markmiðum samnings þessa og tryggja að sveitarfélögin séu meðvituð um eflingu háskólanáms, rannsókna og nýsköpunar á starfssvæði þess og hvetja þau til að vinna enn frekar að framgangi þeirra verkefna.

4. Hlutverk ráðuneytis

- 4.1. Ráðuneytið greiðir Þekkingarsetri Suðurnesja framlag sem tekur mið af ofangreindum verkefnum. HVIN hefur eftirlit með framkvæmd samningsins og greiðir umsamda fjárhæð eins og nánar greinir í 6. gr. samnings þessa. Ráðuneytið hefur rétt á að stöðva millifærslur eða fresta þeim telji það framkvæmd verkefnisins ekki í samræmi við það sem fram kemur 1. gr. samnings þessa.

5. Forsendur samnings og lagaheimildir

- 5.1. Samningur þessi er gerður með fyrirvara um samþykki fjármála- og efnahagsráðherra skv. 1. mgr. 40. gr. laga nr. 123/2015 um opinber fjármál.
- 5.2. Ráðuneytið gerir samning þennan á grundvelli heimildar í 40. gr. laga um opinber fjármál nr. 123/2015.



- 5.3. Þekkingarsetur Suðurnesja starfar samkvæmt skipulagsskrá samtakanna sem birt eru á vef þeirra og var síðast breytt 2. júlí 2012.
- 5.4. Þekkingarsetur Suðurnesja starfar eftir því sem við á eftir lögum og reglugerðum um rekstur aðila sem ekki eru ríkisaðila en veita opinbera þjónustu sem er kostuð að verulegu eða öllu leyti af framlögum ríkisins. Eftirfarandi lög og reglugerðir kunna því að eiga við:
 - Lög um opinber fjármál nr. 123/2015.
 - Reglugerð um framkvæmd fjárlaga nr. 1061/2004.
 - Lög um opinber innkaup nr. 120/2016.
 - Upplýsingalög nr. 140/2012.
 - Stjórnsýslulög nr. 37/1993.
 - Lög um ríkisendurskoðanda og endurskoðun ríkisreikninga nr. 46/2016.
 - Samkeppnislög nr. 44/2005.
 - Lög um persónuvernd og vinnslu persónuupplýsinga nr. 90/2018.
 - Lög um opinber skjalasöfn nr. 77/2014.

6. Styrkveiting

- 6.1. Heildarskuldbinding samningsins er 102 m.kr. og árlegt framlag ríkisins er 34 m.kr. á samningstímanum.
- 6.2. Framlag ríkisins skv. samningi þessum tekur breytingum í samræmi við almenna verðlagsuppfærslu í fjárlögum.
- 6.3. Framlag í samningi þessum kemur frá málaflokki 21.1 – Háskólar og rannsóknastarfsemi og fellur undir stefnu ráðherra á málefnasviði 21 – Háskólastig sbr. 20. gr. laga um opinber fjármál nr. 123/2015
- 6.4. Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og á Þekkingarsetur Suðurnesja ekki kröfu á ríkissjóð eða rétt á bótum þótt framlag til samningsins verði lækkað eða fellt niður. Séu gerðar almennar aðhaldskröfur af hálfu ríkisins til málaflokks 21.1 er heimilt að gera sömu kröfur til aðhalds í rekstri verkefna sem fellur undir málaflokk 21 og hjá Þekkingarsetri Suðurnesja.
- 6.5. Fjárhagsleg ábyrgð ríkisins vegna rekstrarverkefnisins takmarkast við þær fjárhæðir sem eru í samningnum.
- 6.6. Ráðuneytið mun ekki greiða dráttarvexti ef greiðsla dregst og greiðslu bera hvorki vexti né verðtryggingu
- 6.7. Framlagið er greitt af fjárlagalið 17-528-19780. Árleg greiðsla er greidd mánaðarlega í tólf jöfnum greiðslum í upphafi hvers mánaðar. Greitt er inn á bankareikning í viðskiptabanka Þekkingarseturs Suðurnesja reikningsnúmer 0142-26-000920.

7. Ábyrgð Þekkingarseturs Suðurnesja

- 7.1. Þekkingarsetur Suðurnesja ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. Þekkingarsetur Suðurnesja skal geta lagt fram gögn og skýrslur þessu til staðfestingar, sé eftir því leitað.
- 7.2. Þekkingarsetur Suðurnesja ber ábyrgð á kuldbindingum sem það eða aðilar á þess vegum stofna til í tengslum við samning þennan.
- 7.3. Þekkingarsetri Suðurnesja er óheimilt að:



- Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
- Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

8. Upplýsingar, samskipti og eftirlit vegna fjármála og verkefna

8.1. Ráðuneytið hefur eftirlit með framkvæmd samningsins.

- Þekkingarsetur Suðurnesja skilar ráðuneytinu: Ársreikningi, ársriti og samantekt um þau verkefni sem framkvæmd voru á hverju starfsári og tengjast atriðum þessa samnings. Áætlun um rekstur ásamt starfsáætlun, þar sem fram komi m.a. helstu starfsmarkmið sem unnið verður að, fyrir lok febrúar ár hvert.
- Könnun á ársreikningi ársins á undan með skýringum, fyrir lok maí ár hvert.

8.2. Fulltrúar ráðuneytis og Þekkingarseturs Suðurnesja funda að lágmarki árlega um samninginn að frumkvæði ráðuneytisins.

8.3. Fyrir lok maí ár hvert skilar Þekkingarsetur Suðurnesja ráðuneytinu greinargerð um framkvæmd samningsins, hver staða verkefna er og hvernig framlagi var ráðstafað í samanburði við áætlun.

8.4. Þekkingarsetur Suðurnesja veitir ráðuneytinu upplýsingar sem það kallar eftir vegna eftirlits með framkvæmd samningsins eða vegna opinberrar upplýsingagjafar. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta, þar á meðal fundargerðum, skrám, fylgiskjölum, skýrslum, bókum og bréfum.

8.5. Arskýrslur Þekkingarseturs Suðurnesja skal birta á vef setursins jafnóðum og þessi gögn liggja fyrir. Ráðuneytinu er heimilt að birta gögnin á vef sínum.

9. Vanefndir og meðferð ágreinings

9.1. Þekkingarsetur Suðurnesja tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir stofnunin frá úrræðum sem hún hyggst grípa til.

9.2. Ráðuneytinu er heimilt að rifta samningi þessum, draga úr greiðslum, stöðva greiðslur og endurkrefja um greiðslur uppfylli þekkingarsetur Suðurnesja ekki skyldur sínar samkvæmt samningi þessum.

9.3. Samningsaðilar munu leitast við að jafna ágreining, ef einhver er, sín á milli.

9.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

10. Gildistími og lok samnings

10.1. Samningurinn gildir frá 01.01.2025 til 31.12.2027.

10.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.

10.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara



- 10.4. Samningsaðilar ákveða sameiginlega innan árs fyrir lok gildistíma samningsins hvort stefna skuli að endurnýjun hans og hefja í framhaldinu viðræður um það. Liggja á hinn bóginn ljóst fyrir af hálfu annars hvors samningsaðila að vilji sé ekki fyrir hendi til endurnýjunar samnings skal sú afstaða viðkomandi samningsaðila tilkynnt gagnaðila í samræmi við ákvæði greinar 10.3. Miðað er við að eigi síðar en hálfu ári áður en samningur rennur út hafi ráðuneytið lokið sérstakri úttekt á framkvæmd samningsins og metið forsendur fyrir áframhaldandi samningi. Á grundvelli þeirrar úttektar er tekin ákvörðun um framhald rekstrarverkefnis, sbr. 20. gr. reglugerðar um undirbúning, gerð og eftirfylgni samninga um framkvæmdir, rekstur og afmörkuð verkefni nr. 643/2018.
- 10.5. Samningur þessi er gerður í tveimur samhljóða eintökum og heldur hvor samningsaðili einu eintaki.
- 10.6. Samningur þessi er gerður í þremur samhljóða eintökum og heldur hvor samningsaðili einu eintaki auk þess sem fjármála- og efnahagsráðuneyti heldur eintaki.
- 10.7. Samningur þessi er staðfestur með rafrænni undirritun eftirfarandi aðila:
 - Áslaug Arna Sigurbjörnsdóttir, háskóla-, iðnaðar- og nýsköpunarráðherra,
 - Hanna María Kristjánsdóttir, forstöðumaður Þekkingarsetur Suðurnesja,
 - Sigurður Ingi Jóhannsson, fjármála- og efnahagsráðherra, sbr. 1. mgr. 40. gr. laga nr. 123/2015.